

communicirung/ vnd desselben beliebender genehm-  
habung) vnterfangen habe. Dann mir ratione Of-  
ficii publici nicht anders gebühren wollen/ als/ es ge-  
schehe gleich zur Zeit oder Vnzeit/ fürnehmlich vnser  
re hiesige gemeine Bürgerschaft bestes fleisses vnd  
vermögens zu vnterrichten / wessen sie sich bey dero  
gleichen fürfallender Noth (welche GOTT aber noch  
ferner lange Zeit in Genaden abwenden wolle) zu  
verhalten hette/ In besonderer anmerckung/ das ob-  
gedachte Seuche nunmehr nicht allein tieff in Polen  
darinnen sehr gralsiren soll / Sondern auch an den  
Polnischen Gränzen/ Ja in diesem Lande selbst/  
vnd zwar in nicht so gar weit von hinnen entseffener  
Ortern/ sich vermercken lesset / Vnd derentwegen  
durch die anderwärts in grosser vnd vndenclicher  
menge/ wegen vnerhörter außgestandener Hunger-  
noth/ anhero kommende Bettler vns gar leichte zuge-  
tragen vnd beygefüget werden dürffte. Dann die  
Noth vnd der Mangel des lieben Brodtes so groß  
gewesen/ das die armen Leuthe vber die obigen erzeh-  
leten sachen/ das Gras vnd Kräuter auff dem Felde/  
Rohe/ wie die Vnvernünftigen Thiere/ das Abge-  
storbene vnd Abgezogene Viehe / die von dem Ge-  
schlachten Viehe hinweg geworffene Gedärme / ge-  
kochte Krebes: vnd Schoten schalen/ allerhand auß-  
geschüttete Beine/ vnd weiß fast nicht/ was für vn-  
gestallte/ grauerliche vnd vntüchtige dinge mehr/ zu  
essen vnd zubenagen gezwungen. Dannenher sie so  
Sol an